



Broj: 02-11-147/23-AP-13
Datum: 10.05.2023. godine

Na osnovu člana 68. stav i) i člana 69. stav d) Zakona o javnim nabavkama („Službeni glasnik BiH“, broj: 39/14 i 59/22), člana 29. Stav 1. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4/22), u predmetu dodjele ugovora o javnoj nabavci radova „Sanacija propusta na nerazvrstanoj cesti Brašljevine-Krajnići“, Gradonačelnik donosi

ODLUKU

Postupak javne nabavke člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4/22), u predmetu dodjele ugovora o javnoj nabavci radova „Sanacija propusta na nerazvrstanoj cesti Brašljevine-Krajnići“, pokrenut donošenjem Odluke broj 02-11-147/23-AP-2 od 20.01.2023. godine putem konkurentskog zahtjeva za dostavu ponuda u skladu sa članom 88. Zakona o javnim nabavkama, poništava se.

O b r a z l o ž e n j e

Odlukom Gradonačelnika broj 02-11-147/23-AP-2 od 20.01.2023. godine pokrenut je postupak dodjele ugovora za javnu nabavku radova „Sanacija propusta na nerazvrstanoj cesti Brašljevine-Krajnići“.

Navedeni postupak proveo se putem konkurentskog zahtjeva za dostavu ponuda za koji je dana, 23.01.2023. godine upućeno Obavještenje broj 1374-7-3-8-3-17/23 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 03.02.2023. godine do 12,00 sati dostavljeno je 5 (pet) ponuda i to ponude sljedećih ponuđača po prijemu prispijeća:

1. „BN Transport“ d.o.o. Zavidovići
2. „Ikan“ d.o.o. Zavidovići
3. „Porobić“ d.o.o. Zavidovići
4. GP „Heldovac“ d.o.o. Žepče
5. „MGV Gradnja“ d.o.o. Zavidovići

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda broj: 02-11-147/23-AP-6 od 03.02.2023. godine i Zapisnik o ocijeni ponuda, broj: 02-11-147/23-AP-7 od 03.02.2023. godine.

U postupku javne nabavke utvrđeno je sljedeće: da je ukupno pristiglo 5 (pet) ponuda. Sve ponude su blagovremeno zaprimljene.

Ponude ponuđača „BN Transport“ d.o.o. Zavidovići, „Porobić“ d.o.o. Zavidovići i GP „Heldovac“ d.o.o. Zavidovići su formalno ispravne i tehnički zadovoljavajuće.

Ponude ponuđača „Ikan“ d.o.o. Zavidovići i „MGV Gradnja“ d.o.o. Zavidovići su od strane Komisije za javne nabavke ocijenjene neprihvatljivim iz razloga što cijene ponuda ponuđača prelaze planirana, odnosno osigurana novčana sredstva ugovornog organa za nabavku.

Članom 2, tačka 1), alineja 2) Zakona o javnim nabavkama („Službeni glasnik BiH“, br. 59/22) određeno je slijedeće: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti:

2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koja ne ispunjava kriterije za kvalifikaciju privrednog subjekta“.

Imajući u vidu sve navedeno, ponude ponuđača „Ikan“ d.o.o. Zavidovići i „MGV Gradnja“ d.o.o. Zavidovići se smatraju neprihvatljivim za Ugovorni organ.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije, dana 16.02.2023. godine, Komisija za javne nabavke Grada Zavidovića dostavila je Dopunu zapisnika o pregledu i ocjeni ponuda nakon e-aukcije, broj: 02-11-147/23-AP-9 od 15.02.2023. godine u kojem je izvršila rangiranje ponuđača kako slijedi :

R/br	Naziv/ime ponuđača	Ponuđena cijena bez PDV-a
1.	„BN Transport“ d.o.o. Zavidovići	11.115,00 KM
2.	„Porobić“ d.o.o. Zavidovići	12.228,00 KM
3.	GP „Heldovac“ d.o.o. Žepče	12.258,00 KM

Ugovorni organ je dana. 22.02.2023. godine donio Odluku broj 02-11-147/23-AP-6 kojom je prihvaćena kao najpovoljnija ponuda ponuđača „BN Transport“ d.o.o. Zavidovići.

Izabranom ponuđaču dostavljen je na potpis ugovor o izvođenju radova na sanaciji propusta na nerazvrstanoj cesti Brašljevine-Krajnići.

Rok za dostavu potpisanog ugovora je istekao zaključno sa 10.03.2023. godine a izabrani ponuđač nije dostavio potpisan ugovor o izvođenju radova u predviđenom roku.

Na osnovu toga je Ugovorni organ donio Odluku broj: 02-11-147/23-AP-11 od 17.03.2023. godine kojom se poništava Odluka broj 02-11-147/23-AP-6 od 22.02.2023. godine i ugovor dodjeljuje drugorangiranom ponuđaču „Porobić“ d.o.o. Zavidovići. Ponuđač „Porobić“ d.o.o. Zavidovići bio je dužan dokumentaciju iz člana 45. i 47. Zakona o javnim nabavkama u skladu sa Tenderskom dokumentacijom i članom 3. pomenute Odluke, odnosno u roku 5 (pet) dana.

Rok za dostavu dokumentacije istekao zaključno sa 27.03.2023. godine, a izabrani ponuđač nije blagovremeno dostavio propisanu dokumentaciju, te nije postupio u skladu sa uslovima iz Tenderske dokumentacije. Shodno članu 72. stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, te je ugovor dodijeljen trećerangiranom ponuđaču GP „Heldovac“ d.o.o. Žepče Odlukom broj: 02-11-147/23-AP-12 od 06.04.2023. godine.

Trećerangirani ponuđač GP „Heldovac“ d.o.o. Žepče u predviđenom roku nije dostavio dokumentaciju iz člana 45. i 47. Zakona o javnim nabavkama u skladu sa Tenderskom dokumentacijom i članom 3. pomenute Odluke, odnosno u roku 5 (pet) dana a rok za dostavu istekao je 17.04.2023. godine.

Članom 69. Zakona o javnim nabavkama („Službeni glasnik BiH“, broj: 39/14 i 59/22), propisano je da se postupak javne nabave može se okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Cijeneći pravilnost provedenog postupka dodjele ugovora o javnoj nabavci radova „Sanacija propusta na nerazvrstanoj cesti Brašljevine-Krajnići“, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. Služba za upravu privrede, lokalni razvoj
infrastrukturu i međunarodnu saradnju
3. Služba uprave finansija, budžet i trezor
4. U spis

Obradio: _____
(Anel Skelica)

Kontrolisao: _____
(Midha Muramovic)

